



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Totivs Theologiae S. Thomae Aqvinatis, Doctoris Angelici Ordinis Prædicatorum

Svpplementvm Tertiæ Partis

Thomas <von Aquin, Heiliger>

Romae, 1619

Vtrum hoc sacramentum habeat materiam? 5

urn:nbn:de:hbz:466:1-38817

RESPONDEO dicendum, quòd hoc sacramentum principaliter consistit in potestate tradita. Potestas autem à potestate traducitur, sicut simile ex simili: & iterum potestas per usum innotescit, quia potentia notificantur per actus: & idè in forma ordinis exprimitur vsus ordinis per actum qui imperatur; & exprimitur traductio potestatis per imperatum modum.

Ad primum ergo dicendum, quòd alia sacramenta non ordinantur principaliter ad effectus similes potestati, per quam sacramenta dispensantur, sicut hoc sacramentum: & idè in hoc sacramento est quasi quædam communicatio uniuoca. Vnde in alijs sacramentis exprimitur aliquid ex parte diuinæ virtutis, cui effectus sacramenti assimilatur; non autem in hoc sacramento. Quamuis enim in Episcopo, qui est minister huius sacramenti, non sit auctoritas respectu collationis huius sacramenti: tamen habet aliquam auctoritatem respectu potestatis ordinis, quæ confertur per ipsum: in quantum à sua potestate derivatur.

Ad tertium dicendum, quòd vsus potestatis est effectus potestatis in genere causæ efficientis: & sic non habet, quòd in definitione ordinis ponatur, sed est quodammodo causa in genere causæ finalis: & idè secundum hanc rationem poni potest in definitione ordinis.

ARTIC. V.

Vtrum hoc sacramentum habeat materiam?

Ad quintum sic proceditur. Videtur, quòd hoc sacramentum non habeat materiam. Quia in omni sacramento quod habet materiam, virtus operans in sacramento est in materia. sed in rebus materialibus, quæ hic adhibentur, sicut sunt clauæ, candelabra, & huiusmodi, non videtur esse aliqua virtus sanctificandi. Ergo non habet materiam.

Deest solutio ad secundum, quæ facile colligitur ex responsi. ad 1.

d. 24. S. ¶ 2 Præterea, In isto sacramento confertur plenitudo gratiæ septiformis (ut in littera* dicitur) sicut in confirmatione. Sed materia confirmationis præxigit sanctificationem. Cùm ergo ea quæ in hoc sacramento videntur esse materialia, non sint præsanctificata, videtur quòd non sint materia huius sacramenti.

A. & B. ¶ 3 Præterea, In quolibet sacramento habente materiam, requiritur contactus materiæ ad eum qui suscipit sacramentum. Sed ut à quibusdam dicitur, contactus dictorum materialium ab* eo qui suscipit sacramentum, non est de necessitate sacramenti, sed solum porrectio. Ergo prædictæ res materiales non sunt materia huius sacramenti.

** Al. ad eum.* SED contra est, quod omne sacramentum consistit in rebus & verbis. Sed res in quolibet sacramento sunt materia ipsius. Ergo & res quæ in hoc sacramento adhibentur, sunt materia huius sacramenti.

4 Sent. d. 1. S. D. ¶ Præterea, Plus requiritur ad dispensandum sacramenta, quàm ad suscipiendum. Sed baprismus in quo datur potestas ad suscipiendum sacramenta, indiget materia. Ergo & ordo in quo datur potestas ad ea dispensanda.

RESPONDEO dicendum, quòd materia in sacramenti exteriorius adhibita, significat virtutem in sacramenti agentem ex intrinseco omnino aduenire. Unde cum effectus huius sacramenti, scilicet character, non percipiatur ex aliqua operatione ipsius qui ad sacramentum accedit, sicut erat in pœnitentia, sed omnino ex intrinseco adueniat: competit ei materiam habere, tamen diuersimodè ab alijs sacramentis que materiam habent. Quia hoc quòd confertur in alijs sacramentis, deriuatur tantum a Deo, non a ministro qui sacramentum dispensat: sed illud quòd in hoc sacramento traditur, scilicet spiritualis potestas, deriuatur etiam ab eo qui sacramentum dat, sicut potestas imperfecta à perfecta. Et ideo efficacia aliorum sacramentorum principaliter cõsistit in materia, que

vir-

virtutem diuinam & significat & continet ex sanctificatione per ministerium adhibita: sed efficacia huius sacramenti principaliter residet pones eum, qui sacramentum dispensat. Materia autem adhibetur magis ad determinandam potestatem, quæ traditur particulariter ab habente eam complete, quam ad potestatem causandam: quod patet ex hoc, quod materia competit vsui potestatis.

¶ Et per hoc patet solutio Ad primum.

Ad secundum dicendum, quod materiam in alijs sacramentis oportet sanctificari propter virtutem quam continet. Sed non est ita in proposito.

Ad tertium dicendum, quod sustinendo illud dictum ex dictis * apparet causa eius. Quia enim potestas ordinis non accipitur a ministro, sed a materia: ideo potestatio materiæ magis est de essentia sacramenti, quam tactus. Tamen ipsa verba formæ videntur ostendere, quod tactus materiæ sit de essentia sacramenti: quia dicitur. Accipe hoc vel illud.

in corp. art.

QVÆST. XXXV.

De effectu huius sacramenti, in quinque articulos diuisa.

Deinde considerandum est de effectu huius sacramenti.

¶ Circa quod quærentur quinque.

¶ Primo, vtrum in sacramento ordinis conferatur gratia gratum faciens?

¶ Secundo, vtrum imprimatur character, quantum ad omnes ordines?

¶ Tertio, vtrum character ordinis præsupponat characterem baptismalem?

¶ Quarto, vtrum præsupponat de necessitate characterem confirmationis?

¶ Quinto, vtrum character vnus ordinis præsupponat, de necessitate, characterem alterius ordinis?